

書

陳伯玉

陳伯玉詩

陳伯玉

陳伯玉

陳伯玉

陳伯玉文集序

詩自三百篇而下惟漢魏音韻風骨猶近於古逮夫兩晉騷々而變胚胎於宋浮靡於齊梁至於陳隋極熾而雅音幾乎熄矣有唐之興文運漸啟雖四傑四友稱美於時然其流風餘韻漸染既久未能

悉除則天時蜀之射洪人陳
公子昂字伯玉者一旦崛起
西南以高明之見首唱平淡
清雅之音襲騷雅之風力排
雕鏤凡近之氣其學博其才
高其音節冲和其辭旨幽遠
超軼前古盡掃六朝弊習靡
猶砥柱屹立於萬頃頽波之

中陽氣勃起於重泉積陰之
下舊習為之一變為彙為之
改觀故李太白常蘇州柳八
州相繼而起皆踵伯玉之高
風俾後世稱仰嘆慕之不暇
可謂詩人之雅矣其文雖有
六朝唐初氣味然其奏疏數
章亦有用世之志惜其全集

世不多見其詩文見於他集者亦甚少今巡撫山西都御史楊公澄與伯玉為同邑人得其全集於中秘抄錄而來重復校正令工刊梓以傳共將千卷嗚呼公之用心厚矣昔韓文公六起八代之衰名振當世及三代之末其集亦

泯歐陽文忠公得其集於故麓中求補校正數十年而後全俾後人尊仰摸範力追古作而不墜者文忠公之力也自太白常柳景慕伯玉作為古風之後至宋惟朱文公感興之作風格無異殆今又寥寥數百年矣我

朝文運大興作者如林會見斯
集之行有能吐辭如伯玉遠
追盛唐之作者未必非公振
作之效也嗚呼公之用心其
厚矣哉

弘治四年歲次辛亥重陽日
賜進士嘉議大夫工部右侍郎
前都察院左僉都御史翰林

院脩撰

徑廷

謂官兼

文華殿

誦讀官致仕維揚張頤序

陳伯玉文集序



昔孔宣父以天縱之才自衛返魯
乃刪詩書述易道而作春秋數千
百年文章粲然可觀者也孔子歿
二百歲而騷人作於是婉麗浮侈
之法行焉漢興二百年賈誼焉遷
為之傑憲章禮樂有老成人之風

長卿子雲之儔瑰詭萬變三奇特之士也惜其王公大人之言溺於流辭而不顧其後班張崔蔡曹劉潘陸隨波而作雖大雅不足然其遺風餘烈尚有典刑宋齊已素蓋顛顛遷延陵顛流靡至於徐慶天之將喪斯文也後進之士若上官

儀者繼踵而生於是風雅之道掃地盡矣易曰物不可以終否故受之以泰道喪五百歲而得陳君君諱子昂字伯玉蜀人也崛起江漢虎視函夏卓立千古橫制顛波天下翕然質文一變非夫岷峨之精巫廬之靈則何以生此故有諫諍

之辭則為政之先也昭夷之碣則
議論之當也國殤之文則大雅之
怨也徐君之議則刑禮之中也至
於感激頓挫微顯闡幽度幾見變
化之朕以接乎天人之際者則感
遇之篇存焉觀其逸足騷騷方將
搏扶搖而凌泰清獵遺風而薄嵩

岱吾見其進未見其止惜乎湮厄
當世道不偶時婁骨巴山年志俱
夭故其文未極也嗚呼聰明精粹
而淪剝貪叨桀鰲以顯榮天子天
乎吾始未知夫天焉昔常與余有
忘形之契四海之內一人而已良
友歿矣天其喪予合採其遺文可

存焉編而次之凡十卷恨不逢作
者不得列於詩入之什悲夫故粗
論文之變而為之序至於王霸之
才卓犖之行則存之別傳以繼於
終篇云耳黃門侍郎盧藏用撰

陳伯玉文集目錄

第一卷

詩賦

塵尾賦

感遇詩三十八首

觀荆玉篇

鴛鴦篇

修竹篇

丘禮撫事應制

洛城觀輔應制

白帝城懷古

度荆門望楚

峴山懷古

晚次樂鄉縣

入峽

宿空舫峽

宿讓河驛浦

與李明府船不相及

第二卷

雜詩

荅喬補闕

聞東軍告捷

度峽口山

題贈祀山峰樹

題居延古城

薊丘覽古贈盧居士六首

軒轅臺 燕昭王 樂生 燕太子 晁先生 樂生

郭隗

初入峽苦風

贈趙六二首

荅韓使同在邊

淇門荅宋參軍

萬州放舟乘漲寄親友

贈嚴倉曹乞推命祿

荅洛陽主人

酬暉上人

酬暉上人獨坐山亭

酬李參軍

酬暉上人夏日林泉

酬田逸人

東征荅朝廷相送

別舍弟

居延海樹聞鶯

李三書齋

田洗馬游嵩拈禪

古意題壁

送別出塞

同宋參軍夢趙六

和陸明府

傷壽安傅少府

詠壁上畫鶴

送賈兵曹入都

送魏大後軍

送殷大入蜀

落第西還別二友

別魏四

送客

春夜別友人二首

別鄉曲故人

送王學士

送梁李二明府

送魏兵曹

別蕭四劉三

送別崔著作

送別陶七

別李參軍

遇崔兵曹使

遇崔冀二使

贈別崔司議冀侍御

送崔著作

獨坐思遠

秋園卧疾

卧疾家園

月夜有懷

三日曲水

登澤州北樓宴

遊暉上人房

登金華觀

群公集畢氏林亭

宴胡楚真禁所

第三卷

表

為人求拜掃表

為程處弼解流表

為人謝贈物表三首

為人謝放流表

為人陳情表

為人謝罪表

謝免罪表

慶皇太子誕表

慶武成殿表

為人慶拜洛表

為人請出家表

和秋景觀競渡詩表

賀慈竹再生表

勸封禪表

勸追尊中山王表

謝追尊魏國大王表

為建安王獻食表

第四卷

表

為人諫本官表

為人讓官表

為袁卿讓官表

為人謝父官表

為鄭使君讓官表

為武奉御謝表

為人謝兄官表

為人請免官表

為人謝表二首

謝衣表

為建安王破賊表

為人論軍功表

為人謝借馬表

奏白鼠表

為僧謝講表

謝藥表

論突厥表

第五卷

碑文

昭夷子趙氏碑

臨邛縣令封君遺愛碑

續唐故潘尊師碑頌

雒縣令張君頌德碑

獨孤丞遺愛碑

梓州長史楊府君碑

居士陳君碑

陳伯玉文前集目錄終

陳伯玉文集後集目錄

第六卷

墓誌銘

陳公墓誌銘

李府君墓誌銘

孫君墓誌銘

張氏墓誌銘

堂弟致墓誌銘

宇文氏墓誌銘

燕然軍人畫像銘

王府君墓誌

高君墓誌

高府君墓誌銘

高氏墓誌銘

薛氏墓誌銘

陳君碩人銘

冥寶冥君古墳記

第七卷

表章文引歌詞狀序

正大周受命表

大周受命神鳳頌

國殤文

祭海文

祭孫府君文

祭黃州府君文

祭宇文夫人文

春臺引

山水粉圖

為人誓泉詞

為牙文

弔塞上公羽文

為建安王祭荀君文

祭韋府君文

祭率府孫錄事文

祭率府孫錄事文

祭率府孫錄事文

祭率府孫錄事文

祭率府孫錄事文

祭率府孫錄事文

祭率府孫錄事文

梁王池亭宴序

送中嶽真人序

餞陳少府序缺文

冬夜宴序

餞齊少府序

別李參軍序

遇冀侍御崔司議二使序

別冀侍御崔司議序

送崔著作序

馬參軍相遇醉歌序

送崔融等東征序

送崔司戶序

見牛司倉序

餞陶七序

崔兵曹使讌序

送翹郎將使黔嗷序

遇姜主簿序

遇姜主簿序

遇姜主簿序

遇姜主簿序

第八卷

雜著

谷制問事八條

請措刑科
明必得賢科

重任刑科
賢不可疑科

招諫科
勸賞科

請息兵科
安宗子科

上蜀川安危事三條

上蜀中軍事三條

上益國事一條

上軍國機要事八條

上軍國利害事三條

出使
人機 牧宰

上西蕃安危事三條

第九卷

書

諫靈駕入京書

諫雅州討生羗書

諫刑書

諫政理書

諫用刑書

申宗人冤抑書

諫曹仁師出軍書

第十卷

書

為人與遼東書

為人送生口書

為人與諸將書

為人與諸軍州書

答王尚書書

與韋五靈已書

與岑内史啟

上薛令文章啟

附錄

唐書列傳

陳氏別傳

旌德碑

祭文

陳伯玉文集後集目錄終

陳伯玉文集卷之一



新都楊春重編

射洪楊澄校正

詩賦

塵尾賦并序

甲申歲天子在洛陽余始解褐守麟臺正字太子司直宗秦客置酒金谷亭大集賓客酒酣共賦座上食物命余為塵尾賦焉

天之浩浩兮物亦云云性命變化兮如絲之棼或以神好正直天蓋默默或以道惡疆梁天亦茫茫此先都之靈獸固何負而罹殃始居幽山之藪食乎豐草之鄉不

害物而利己每營道而同方何忘情而妄代何代情之
不忘卒梁網以見逼受庖宰而罹傷豈不以斯尾之有
用而殺身於此堂為君雕俎之羞廁君金盤之實承正
人之嘉慶對象筮與寶瑟雖信美於茲辰詎同歡於疇
日客有感而嘆者曰命不可思神亦難測吉凶悔吝未
始有極借如天道之用莫神於龍受戮為醢不知其凶
王者之瑞莫聖於麟遇害於野不知其仁神既不能自
智聖亦不能自知况林棲而谷走山鹿與野麋古人有
言天地之心其間無巧冥之則順動之則天諒物情之
不異我心又何執於猜矯故曰天之神明與物推移不
為事先動而輒隨是以至人無已聖人不知予欲全身

而遠害曾是浩然而順斯

感遇三十八首

微月生西海幽陽始化昇圓光正東滿陰魄已朝凝太
極生天地三元更廢興至精諒斯在三五誰能徵

右一

蘭若生春夏芊蔚何青青幽獨空林色朱蕤冒紫莖遲
遲白日晚嫋嫋秋風生歲華盡搖落芳意竟何成

右二

蒼蒼丁零塞今古緬荒途亭埃何摧兀暴骨無全軀黃
沙漠南起白日隱西陽漢甲三十萬曾以事匈奴但見
沙場死誰憐塞上孤

右三

樂羊為魏將食子殉軍功骨肉且相薄他人安得忠吾
聞中山相乃屬放魔翁狐獸猶不忍况以奉君終

右四

市人矜巧智於道若童蒙傾奪相誇侈不知身所終曷
見玄真子觀世土壺中窅然遺天地乘化入無窮

右五

吾觀龍變化乃是至陽精石林何冥密幽洞無留行古
之得仙道信與元化并玄感非蒙識誰能測淪冥世人
拘日見酣酒笑丹經崑崙有瑤樹安得采其英

右六

白日每不歸青陽時暮矣茫茫吾何思林卧觀無始衆
芳妻時悔鷓鴣鳴悲耳鴻荒古已頽誰識巢居子

右七

吾觀崑崙化日月淪洞冥精魄相交樞天壤以羅生仲
尼推太極老聃貫玄冥西方金仙子崇義乃無明空色
皆寂滅緣業亦何名成教信終籍死生俱未停

右八

聖人祕元命懼世亂其真如何嵩公輩誣譎誤時人先
天誠為羨階亂禍誰因長城倍胡寇羸禍殺其親赤精
既迷漢子年何救秦去去桃李苑多言死如麻

右九

深閨觀元群動排然爭朵頤諍說相啖食利害紛疑疑便
便夸毗子榮耀更相持務先讓天下高賈競刀錐已矣
行采芝萬世同一時

右十

吾愛鬼谷子青溪無垢氣囊括經世道遺身在白雲七
雄方龍闔天下亂無君浮雲不足貴遵養晦時文舒之
彌宇宙卷之不足分豈圖山木壽空與麋鹿群

右十一

呦呦南山鹿罹罟以媒和招搖青桂樹幽蠹亦成科世
情甘近習榮耀紛如何怨憎未相復親愛生禍羅瑤臺
傾巧咲玉盃殞雙蛾誰見枯城蘂青青成斧柯

右十二

林居病時久水木淡孤清閑卧觀物化悠悠念群生青
春始萌遠朱火已燭盈相落方自此感嘆何時平

右十三

臨岐泣世道天命良悠悠昔日殷王子玉馬遂朝周寶
鼎淪伊穀瑤臺成故丘西山傷遺老東陵有故侯

右十四

貴人難得意賞愛在須臾莫以心如玉擬他明月珠昔
稱天挑子今為春市徒鴟鴞悲東國麋鹿泣姑蘇誰見
鷓夷子扁舟去五湖

右十五

聖人去已以公道緇良難蚩蚩夸毗子堯禹以為護橋
榮貴工巧勢利迭相干燕王尊樂毅紉國願同歡魯連
讓齊爵遺組去邯鄲伊人信往矣感激為誰莫

右十六

幽居觀大運悠悠念羣生終古代興沒豪聖莫能爭三
季淪周赫七雄滅秦嬴復聞赤精子提劍入咸京炎光
既無象晉虜紛蹤橫堯禹道既昧昏世方行豈無當
世雄天道與胡兵咄咄安可言時醉而未醒仲尼溺東
魯伯陽遁西溟大運自古來孤人胡嘆哉

右十七

遠逝勢已久骨鯁道斯窮豈無感激者時俗頽此風灌

園何其鄙皎皎於陵子世道不相容嗟嗟張長公

右十八

聖人不利已憂濟在元元黃屋非堯意瑤臺安可論吾
聞西方化清淨道弥敷柰何窮金玉雕刻以為尊雲摺
山林盡瑤圓珠翠煩鬼功尚未可人力安能存夸愚遠
增累矜智道逾昏

右十九

玄天幽且默羣議曷嗤嗤聖人教猶在世運以陵夷一
繩將何繫憂醉不能持去去行採芝勿為塵所欺

右二十

蜻蛉遊天地與物本無患飛飛未能去黃雀來相干穰

侯富秦寵金石比交歡出入咸陽裏諸侯莫敢言寧知
山東客激怒秦王肝布衣取丞相千載為辛酸

右二十一

微霜知歲晏斧柯始青青况乃金天夕浩露沾群英登
山望宇宙白日已西暝雲海方蕩瀟孤鱗安得寧

右二十二

翡翠巢南海雄雌珠樹林何知羨人意嬌愛比黃金殺
身炎州裏委羽玉堂陰旖旎光首飾歲久爛錦衾豈不
在遐遠虞羅忽見尋多材固為累嗟息此珍禽

右二十三

挈瓶者誰子皎服當青春三五明月滿盈華不自珍高

堂委金玉微縷懸千鈞如何負公鼎被歎笑時人

右二十四

玄蟬號白露茲歲已蹉跎群物從大化孤英將奈何瑤
臺有青鳥遠食玉山禾崑崙見玄鳳豈復嘆雲羅

右二十五

荒哉穆天子好與白雲期宮女多怨曠層城閉蛾眉日
耽瑤臺臺一作池樂豈傷苑李時青笳空萎絕白髮生羅帷

右二十六

朝發宜都渚浩然思故鄉故鄉不可見路隔巫山陽巫
山綵雲沒高丘正微茫佇立望已久涕落霑衣裳豈茲
越鄉感憶昔楚襄王朝雲無處所荆國亦淪亡

右二十七

昔日章華宴荆王樂荒淫寬旌翠羽蓋射兕雲夢林竭
來高堂觀悵望雲陽岑雄圖今何在黃雀空哀吟

右二十八

丁亥歲云暮西山事甲兵羸粮匱叩道荷戟驚羗城嚴
冬嵐陰勁窮岫泄雲生昏曠無晝夜羽檄復相驚攀踞
兢萬仞崩危走九冥籍籍峰壑裏哀哀冰雪行聖人御
宇宙聞道泰階車肉食謀何失藜藿細縱橫

右二十九

竭來豪遊子勢利禍之門如何蘭膏嘆一作歌感激自生
寬衆趨明所避時棄道猶存雲淵既已失羅經典誰論

箕山有高節湘水有清源唯應白鷗鳥可為洗心言

右三十

可憐瑤臺樹灼灼佳人姿碧華映朱實攀折青春時豈
不盛光寵榮君白玉墀但恨紅芳歇彫傷感所思

右三十一

索居獨幾日炎夏忽然哀陽彩皆陰翳親友盡睽違登
山望不見涕泣久漣漣宿昔感顏色若與白雲期馬上
驕豪子驅逐正蚩蚩蜀山與楚水攜手在何時

右三十二

金鼎合還丹世人將見欺飛飛騎羊子胡乃在峨眉變
化固非類芳菲能幾時疲病苦淪世憂悔日侵淄眷然

顧幽褐白雲空涕洟

右三十三

朔風吹海樹蕭條邊已秋亭上誰家子哀哀明月樓自言幽谷客結髮事遠遊赤丸殺公吏白日報私讎避仇至海上被後北邊州故鄉三十里遼東復悠悠每憤胡兵入常為漢國羞何知七十戰白首未封侯

右三十四

本為貴公子平生實處才感時思報國拔劍起蒿萊西馳丁零塞北上單于臺登山見千里懷古心悠悠誰言未亡禍磨滅成塵埃

右三十五

浩然坐何慕吾蜀有我眉念與楚狂子悠悠白雲期嗚呼怨不會涕泣久漣漣而夢登綏山穴南采巫山芝採元觀群化遺世從雲螭婉孌將永矣感悟不見之

右三十六

朝入雲中郡北望單于臺胡秦何密邇沙朔氣雄哉籍籍天驕子猖狂已復來塞垣無名將亭堠空崔嵬嗚嗟吾何歎邊人塗草萊

右三十七

仲尼探元化幽鴻順陽和大運自盈縮春秋迭來過盲颺忽號怒萬物相分崩溟海皆震蕩孤鳳其如何

右三十八

觀荆玉篇序

丙戌歲余從左補闕喬公北征夏四月軍幕次于張掖河河洲草木無他異者惟有仙人杖往往叢生幽朔地寒與中國稍異余家世好服食昔嘗餌之及此役也而息意茲味戎人有薦嘉蔬者此物存焉驟爾而笑曰始者與此君別不圖至是而見之豈非神明嘉惠欲將扶吾壽也因為喬公昌言其能時東萊王仲烈亦同旅聞之大喜甘心食之已旬有五日矣適有行人自謂能知藥者謂喬公曰此白棘也公何謬哉仲烈愕然而疑亦曰吾恠其味甜今果如此喬公信是言乃譏余作採玉篇謂宋人不識玉而寶珉石

也余心知必是猶以獨見之故被奪於衆人乃喟然嘆曰嗟乎人之大明者目也心之至信者口也夫目照五色口分五味玄黃甘苦亦何斷而不惑也而路傍一議二子增疑况君臣之際朋友之間自是而觀則萬物之情可見也感宋玉詠作觀玉篇以答之并示仲烈識其識真也

鴟夷雙白玉此玉有溜磷懸之千金價舉世莫知真丹青非異色輕重有殊倫勿信工言子徒悲荆國人

鴛鴦篇

飛飛鴛鴦鳥舉翼相蔽翳俱來漾潭裏共向白雲涯音容相眷戀羽翮兩逶迤蘋萍戲春渚霜霰遶寒池浦沙

連岸淨汀樹拂潭垂年年此遊翫歲歲來追隨鳳凰起
丹穴獨向梧桐枝鴻鴈來紫塞空憶稻梁肥烏啼倦永
夕鶴鳴傷別離豈若此雙禽飛翻不異林刷尾青江浦
交頸紫山岑文章負奇色和鳴多好音聞有鴛鴦綺復
有鴛鴦衾持為美人贈勗此故交心

修竹篇 并序

東方公足下文章道弊五百年矣漢魏風骨晉宋莫
傳然而文獻有可徵者僕嘗暇時觀齊梁間詩彩麗
競繁而興寄都絕每以永歎思古人常恐逶迤頽靡
風雅不作以耿耿也一昨於解三處見明公詠孤桐
篇骨氣端翔音情頓挫光英朗練有金石聲遂用洗

心飾視發揮幽鬱不圖正始之音復覩於茲可使遠
安作者相視而笑解君云張茂先何敬祖東方生與
其比肩僕亦以為知言也故感歎雅製作脩竹詩一
篇當有知音以傳示之

龍種生南嶽孤羣鬱亭亭峯嶺上崇峯烟雨下微冥夜
間鼉鼠叫晝聒泉壑聲春風正淡蕩白露已清泠哀響
激金奏密色滋玉英歲寒霜雪苦含彩獨青青豈不戢
凝冽羞比春木榮春木有榮歇此節無凋零始願與金
石終古保堅貞不意伶倫子吹之學鳳鳴遂偶雲龢瑟
張樂奏天庭妙曲方千變蕭韶亦九成信蒙雕斲美常
願事仙靈駘馳翠虬駕伊鬱紫鸞笙結交羸臺女吟弄

升天行攜手登白日遠遊戲赤城低昂玄鶴舞新續絃
雲生永隨衆仙去三山遊玉京

奉和皇帝丘禮撫事述懷應制

大君忘自我膺運居紫宸捐讓期明辟謳歌且順人軒
宮帝國威皇極禮容申南面朝萬國東堂會百神雲陛
旂囊滿天逶玉帛陳鍾石和睿思雷雨被深仁承平信
娛樂至業本艱辛願罷瑤池宴來觀農扈春卑宮昭夏
德尊老睦堯親徼臣收拜手歌舞頌惟新

洛城觀酺應制

聖人信恭已天命允昭回蒼極神功被青雲祕籙開垂
衣受金冊張樂宴瑤臺鳳休徵滿龍魚雜戲來崇恩

踰五日惠澤暢三才玉帛群臣醉徽章屬禮該方親外
中禱言觀拜洛迴微臣固多幸敢上萬年杯

白帝城懷古

日落滄江晚傳聞問土風城臨巴子國臺沒漢王宮荒
服仍周甸深山尚禹功巖懸青壁斷地險碧流通古木
生雲際歸帆出霧中川途去無限客思坐何窮

度荆門望楚

遠去巫峽望望下章臺巴國山川盡荆門烟霧開城
分蒼野外樹斷白雲隈今日狂歌客誰知入楚來

峴山懷古

秣馬臨荒甸登高覽舊都猶悲墮淚碣尚想卧龍圖城

邑遠分楚山川半入吳丘陵徒自出賢聖幾凋枯野樹
蒼烟斷津樓晚氣孤誰知萬里客懷古正踟躕

晚次樂鄉縣

故鄉香無際日暮且孤征川原迷舊國道路入邊城野
戍荒烟斷深山古木平如何此時恨耿耿夜猿鳴

入消峽

峽按居漢相峽有源

肅徒歌伐木務為檝漾輕舟靡迤隨波水潺湲泝淺流烟
沙分兩岸露鳥交雙洲古樹連雲密交峯入浪浮巖潭
相映媚溪谷屢環周路迢光踰逼山深興轉幽麝臙寒
忍晚猿鳥暮聲秋誓息蘭臺策將從桂樹遊回書謝親
愛千歲覓蓬丘

宿空舸峽青樹村浦

的的明月水秋秋寒夜猿客思浩方亂洲浦寂無喧憶
千金子寧知九逝魂虛聞事朱關結綬鷲華軒委別
高堂愛窺朝明之思今成轉蓬去歎息復何言

宿讓河驛浦

沿流辭北渚結纜宿南洲合岸昏初夕迴塘暗不流卧
聞塞鴻斷坐聽峽猿愁沙浦明如月汀葭晦若秋不及
能鳴鴈徒思海上鷗天河殊未曉滄海信悠悠

入東陽峽與李明府船前後不相及

東巖初解纜南浦遂離群出沒同洲島棲泊異汀濱
作沿泗風烟猶可望歌笑浩難聞路轉青山合峯迴白

日曛奔濤上漫漫積水下
泫泫倏忽猶疑及差池復兩
分離離間遠樹藹藹後遠氣地入巴陵道星連牛斗文
孤狃啼寒月哀鴻叫斷雲仙舟不可見遙思坐氛氲

陳伯玉文集卷之一終

陳伯玉文集卷之二

新都楊春重編
射洪楊澄校正

雜詩六十八首

西還至散關答喬補闕知之

歲徒蒼梧鳳嘹唳白露蟬羽翰本非疋結交獨何念昔
君事胡馬余得奉戎旃携手同沙塞關河緬幽燕芳歲
樂陽止白日屢徂遣功業雲臺薄平生玉珮捐歎此南
歸日猶聞北戍邊代水不可涉巴江亦潺湲攬衣度函
谷銜涕望秦川蜀門自茲始雲山方浩然

還至張掖古城聞東軍告捷贈常五處已

孟秋首歸路仲月旅邊亭聞道蘭山戰相邀在井陘屢
關關月滿三捷虜雲平漢軍追北地胡騎走南庭君為
幕中士疇昔好言兵白虎鋒應出青龍陣幾成披圖見
丞相按節入咸京寧知玉門道空作隴西行北海朱旄
落東歸白露生縱橫未得意寂寞寡相迎負劍空嘆息
蒼茫登古城

度峽口山贈喬補闕知之王二無競

峽口大漠南橫絕界中國藪石何紛紜小山復翕絕遠
望多衆容逼之無異色崔嵬半孤斷逶迤屢迴直信關
胡馬衝亦距漢邊塞豈伊河山險將順休明德物壯誠
有衰勢雄良易極遷迤忽而盡決漭平不息之子黃金

鯁如何此荒城雲臺盛夕士待君丹墀側

題贈祀山烽樹上喬十二侍御

漢庭榮巧宮雲閣薄邊功可憐驄馬使白首為誰雄

題居延古城贈喬十二

聞君東山意宿習紫芝榮滄州今何在華髮旅邊城還
漢功既薄逐胡策未行徒嗟白日暮坐對黃雲生桂枝
芳欲晚意欲誇誰明無為空自老含嘆負平生

薊丘覽古贈盧居士藏用六首并序

丁酉歲吾北征出自薊門歷觀燕之舊都其城池霸
迹已蕪昧一作沒矣乃慨然仰歎憶昔樂生鄒子群賢
之遊盛矣回登薊樓作六詩以志之寄終南盧居士

亦有軒轅遺迹也

軒轅臺

北登薊丘望求古軒轅臺應龍已不見牧馬生黃埃尚
想廣成子遺迹白雲隈

燕昭王

南登碣石館遙望黃金臺丘陵盡喬木昭王安在哉霸
圖悵已矣駟馬復歸來

樂生

王道已淪昧戰國競貪兵樂生何感激仗義下齊城雄
圖竟中天遺歎寄阿衡

燕太子

秦王日無道太子德亦深一聞田光義匕首贈千金其
事雖不立千載為傷心

田光先生

自古詩有死徇義也八獨稀柰何燕太子尚使田光一作田生
疑伏劍誠已矣或說此詩亦在

鄒子

大運淪三代天人罕有窺鄒子何寥廓謾說九瀛垂典
已已千載今也則無推

郭隗

逢時獨為貴歷代非無才隗君亦何幸遂起黃金臺
初入峽苦風寄故鄉親友

故鄉今日友歡會坐應同寧知巴峽路辛苦石尤風

贈趙六二首

回中烽火入塞上追兵起此時邊朔寒登隴思君子東
顧望漢京南山雲霧裡

赤蟠媚其形婉委蒼梧泉昔者琅琊子躬耕亦慨然美
人豈邀曠之子乃前賢良辰在何許白日屢頽遺道心
固微密神用無留連舒可彌宇宙攬之不及拳蓬蒿以
蕪沒金石徒精堅良寶委短褐閑琴獨嬋娟

答韓使同在邊

漢家失中策胡馬屢南驅聞詔安邊使曾是故人謀廢
書悵懷古負劍許良圖出關歲方晏乘障日多雲虜入

白登道烽交紫塞遙連兵屯北地清野備東胡邊城方
晏閉斥堠始昭蘇復聞韓長孺辛苦事匈奴雨雪顏容
改縱橫才位孤空懷老臣未獲趙軍租但蒙魏侯重
不受謗臣誣當取金人祭還歌凱入都

東征至淇門答宋參軍之問

南星中大火將子涉清淇西林改微月征旆空自持碧
潭去已遠瑤花折遺誰若問遼陽戍悠悠天際旗

萬州曉發放舟乘漲還寄蜀中親友

空濛巖雨霽爛熳曉雲歸嘯旅乘明發犇撓驚新磯蒼
茫林岫轉駘驛漲濤飛遠岸孤雲出遙峯曙日微前瞻
未能暇坐望已相依曲直還今古經過失是非多岐方

一作浩浩征思日駢駢寄謝千金子江海事多違

贈嚴倉曹乞推命錄

少學縱橫術遊楚復遊燕
栖遑長委命富貴未知天
聞道沉溟客青囊有祕篇
九宮探探一萬象三算極重玄
願奉唐生將知躍馬年
非因墨翟問空滯至龍川

答洛陽主人

平生白雲志早愛赤松遊
事親恨未立從官此中州
主人何哉問旅客非悠悠
方謁明天子清宴奉良籌
再取連城壁三陟平津侯
不然拂衣去歸從海上鷗
寧隨當代子傾側且沈浮

酬暉上人秋夜山亭有贈

皎皎白絲秋微微翠山靜
禪居感物變獨坐開軒屏
風泉夜聲絕聲絕一作聲雜月露霄光冷
多謝忘懷人塵憂未能整

酬暉上人秋夜獨坐山亭有贈

鐘梵經行罷香床坐入禪
巖庭交雜樹石瀨瀉鳴泉水
月心方寂雲霞思獨玄
寧知人世世一作世裏疲病苦攀緣

酬李叅軍崇嗣旅館見贈

昨夜銀河畔星文犯遙漢
今朝紫氣新物色果逢真
言從天上落乃是地仙人
白璧疑宛楚烏裘似入秦
摧藏多古意應覽備艱辛
樂廣雲雖覩夷吾風未春
鳳歌空有問龍性詎能馴
寶劍終應出驪珠會見珎
未及馮公老何驚孺子貧
青雲儻可致北海憶孫賓

酬暉上人夏日林泉

聞道白雲居窈窕青蓮宇出泉流雜樹石室千年古

作若果馬文流
時五十年古

林卧對軒窓山陰滿庭户方釋塵勞事

從君齧蘭杜

酬西道人見尋不遇題居隱里壁

道人獻書去薄暮返靈臺傳道尋仙友青囊賣卜來聞
學忽相訪題鳳久徘徊石髓空盈握金經閉不開還疑
縫掖子復似洛陽才

東征答朝庭相送

平生白雲意疲薊媿為雄君王謬殊寵旌節此從戎接
繩當繫窮單馬豈邀功孤劍將何託長謠塞上風

合平津口別舍弟

至東陽步述不及眷
然有懷作以示之

江潭共為客洲浦獨迷津思積芳庭樹心斷白眉人同
衾成楚越別島類胡秦林岸隨天轉雲峯逐望新遙遙
終不見默默坐含頰念別疑三月經途未一旬孤舟多
逸興誰共爾為鄰

居延海樹聞鶯同作

邊地無芳樹鶯聲忽聽新間關如有意愁絕若懷人明
妃失漢寵蔡女沒胡塵坐聞應落淚况憶故園春

李三書齋崇嗣

灼灼青春仲悠悠白日昇聲容何足恃榮吝坐相矜願
與今庭會將待玉書徵還丹應有術烟駕共君乘

題田洗馬遊岳桔梅

望遠長為客高山遂不歸誰憐比陵客未息漢陰機

古意題徐令壁

白雲蒼梧來氣氳萬里色問君太平世舊作避諱栖泊靈

臺側

送別出塞

平生聞高義書劍百夫雄言登青雲去非此白頭翁胡
兵屯塞下朝寄屬雲中君為白馬將腰佩驂角弓單于
不敢射天子佇深功蜀山余方隱良會何時同

同叅軍宋之問夢趙六贈盧二子之作

晚霽望崧岳白雲半岳足氣氳含翠微宛如羸臺曲故

人昔所尚幽琴歌斷續變化意無常人琴遂兩亡白雲
失處所夢想曖容光疇昔疑緣業儒道兩相妨前期許
幽報迨此尚茫茫晤言既已失感恨情何一始應攜手
期雲臺與娥眉連兼濟天下窮獨善其時諸君推管樂
之子慕巢夷柰何蒼生望卒為黃綬欺銘鼎功未立山
林事亦微撫孤一流慟懷舊且睽違盧子尚高節終南
卧松雪宋侯逢聖君駮馭遊青雲而我獨踳踳語默道
猶惜征戍在遼陽蹉跎歲再黃丹丘恨不及白露已蒼
蒼遠聞山陽賦感涕下霑裳

和陸明府贈將軍重出塞

忽聞天上將關塞重橫行始返樓蘭國還向朔方城黃

金裝戰馬白羽集神兵星月開天陣山川列地營晚風
吹盡角春色耀飛旌寧知班定遠獨是一書生

同旻上人傷壽安傳少府

生涯良浩浩天命固惇惇聞道神仙位懷德遂為鄰
疇昔逢堯日衣冠仕漢辰交遊紛若鳳詞翰宛如麟
太息勞黃綬長思謁紫宸金蘭徒有契玉樹已埋塵
把臂誰無託平生固亦親援琴一流涕舊館幾霑巾
杳杳泉中夜悠悠世舊進詳上春幽明長隔此歌哭為何人

詠主人壁上畫鶴寄喬主簿崔著作

古壁仙人畫丹青志有文獨舞紛如雪孤飛曖似雲
自矜彩色重寧憶故池羣江海聯翩翼長鳴誰復聞

登薊丘樓送賈兵曹入都

東山宿昔意北征非我心孤負平生願感涕下霑襟
暮登薊樓上永望燕山岑遼海方漫漫胡沙飛且深
峨眉杳如夢仙子曷由尋擊劍起歎息白日忽西沉
聞君洛陽使回子寄南音

送魏大從軍

匈奴猶未滅魏絳復從戎悵列三河道言追六郡
雄鷹山橫代北孤塞一作孤塞接雲中勿使燕然上獨有漢臣功

送殷大入蜀

蜀山金碧地此地饒英靈送君一為別悽斷故鄉情
片雲生極浦斜日隱離亭坐看征騎沒唯見遠山青

落第西蜀別劉可明府

別館分周國歸驂入漢宮
地連函谷塞川接廣陽城
望迫樓臺出途遙烟霧生
莫言長落羽貧賤一交情

別魏四慄

轉蓬方不定落羽自驚絃
山水一為別歡娛復幾年
離亭晴風雨征路入雲烟
還因北山遙一作歸守東陂田

送客

故人洞庭去揚柳春風生
相送河洲晚蒼茫別思盈
白蘋已堪把綠芷復含榮
江南多桂樹歸客贈生平

春夜別友人二首

銀燭吐青烟金樽對綺筵
離堂忍琴瑟別路繞山川
明

月隱高樹長河沒曉天
悠悠洛陽道此會在何年
紫塞白雲斷青春明月初
對此芳樽夜離憂悵有餘
清冷花露滿滴漉蒼宇虛
懷君欲何贈願上大臣書

遂州南江別鄉曲故人

楚江復為客征棹方悠悠
故人憫追送置酒此南州
平生亦何恨夙昔在林丘
遠此鄉山別長謠去國愁

送東萊王學士無競

寶劍千金買平生未許入
懷君萬里別持贈結交親
孤松宜晚歲衆木愛芳春
已矣將何道一作無令白髮新

送梁李二明府

負書猶在漢懷策未聞秦
復此窮秋日芳樽別故人
黃

金裝屢畫白首契逾新空羨雙鳧馬俱飛向玉輪
送魏兵曹使雋州得登字

陽山滄霧雨之子慎攀登羗罕多珍寶人言有愛憎思
酬明主惠當盡使臣能勿以王陽歎印道畏峻嶒

江山暫別蕭四劉三旋欣接遇

昨夜滄江別言車天漢遊寧期此相遇尚接武陵洲結
綬還逢育銜杯且對劉波潭一瀾瀾臨望幾悠悠山水
丹青雜烟雲紫翠浮終媿神仙友來接野人舟

送別崔著作東征

金天方肅殺白露始專征王師非樂戰之子慎佳兵海
氣侵南部邊風掃北平莫賣靈龍塞歸邀麟閣名

送別陶七同用風

黃鶴烟雲去青江琴酒同離帆方楚越潯水復西東
暮生夏浦揚柳送春風明月相思處應對菊花叢

別李參軍索嗣

四十九變化一十三死生翕忽玄黃裏驅馳風雨情是
非紛妄作寵辱坐相驚至人獨幽鑒窈窕隨昏明咫尺
山河道軒窓日月庭別離焉足問悲樂固能并我輩何
為爾栖皇猶未平金臺可攀陟寶界絕將迎戶牖觀天
地階基上窅冥自超三界樂安知萬里征中國要荒內
人寰宇宙縈絳望如朝夕寧嗟蜀道行

遇荊州崔兵曹使

輜軒鳳凰使林藪鷓鴣冠江湖一相許雲霧坐交歡興
盡崔亭伯言忘釋道安秋光稍欲暮歲物已將闌古樹
蒼烟斷雲庭白露寒瑤琴山水曲今日為君彈

遇崔司議泰之冀侍御珪二使

謝病南山下幽卧不知春使星入東井云是故交親惠
風吹寶瑟微月懷清真憑軒一留醉江海寄情人

贈別崔司議冀侍御

有道君匡國無問余在林白雲峨眉上歲晚來相尋

送崔著作

菊樓望燕國負氣喜茲登清規子方奏單戟我無能仲
冬邊風急雲漢復霜稜慷慨意何道西南恨失期

南山家園林木交映歲夏五月幽然清涼獨坐

思遠率成十韻

寂寥守窮巷幽卧空林松竹生靈白階庭懷古今鬱
蒸炎夏晚椽宇閱清陰軒窓交紫靄簾戶對蒼岑鳳縕
仙人錄鸞歌素女琴忘機委人代閉牖察天心蛺蝶憐
紅藥蜻蛉愛碧淥坐觀萬象化方見百年侵擾擾將何
息青青長苦吟願隨白雲駕龍鶴相招尋

秋園卧疾呈暉上人

幽疾曠日遙林園轉清密疲病澹無緣獨坐况瑤瑟懷
挾萬古情憂虞百年疾綿綿多滯念忽忽每如失緬想
赤松遊高尋紫庭一作雲逸榮吝始都喪幽人遂貞吉圖

書紛滿床山水詩盈室宿昔心所尚平生自茲畢願言
誰見知梵筵有同術八月高秋晚涼風正蕭颯

臥疾家園

世舊避諱

上無名子人間歲月賒縱橫策已棄寂寞道

為家卧疾誰能問閑居空物華猶憶靈臺友栖真逸大
霞還丹奔日御却老餌雲芽寧知白社客不厭青門瓜

月夜有懷

美人挾趙瑟御月在西軒寂寞夜何以慙慙玉指繁清
光委衾枕遙思屬湘沅空簾隔星漢猶夢感精魂

于長史山池三日曲水

摘蘭籍芳月被宴坐迴汀汎灑清流湍歲莖白芷生金

絳揮趙瑟玉柱弄秦箏巖榭風光媚郊園春樹平烟花
飛御道羅綺照昆明日落紅塵合車馬亂縱橫

登澤州北樓宴

平生倦遊者觀化久無窮復來登此國臨望與君同坐
見秦兵墨遙聞趙將雄武安軍何在長平事已空且歌
玄雲曲街酒舞薰風勿使青衿子嗟爾白頭翁

夏日遊暉上人房

山水開精舍琴歌列梵筵人疑白樓賞地似竹林禪對
戶池光亂交軒岫翠連色空今已寂乘月弄澄泉

春日登金華觀

白玉仙臺古丹丘別望遙山川亂雲日樓榭入烟霄鶴

舞千年樹虹飛百尺橋還逢赤松子天路坐相邀

群公集畢氏林亭

金門有遺世鼎實恣和邦默語誰相識琴樽寄此窓子
年應魏闢源父愛滄江良時信同此歲晚迹難雙

宴胡楚真禁所

人生固有命天道信無言青蠅一相點白璧遂成冤請
室閑逾邃幽庭草未暄寄謝韓安國何驚獄吏尊

陳伯玉文集卷第二終

陳伯玉文集卷第三

新都楊春重編

射洪楊澄校正

表

為義興公求拜掃表

臣禍豐所鍾早日孤露墳塋莫掃松柏凋荒臣之不天
實有攸咎死罪死罪昔先臣下代遺訓未忘而殃罰不
圖家禍潛搆兄弟無故並為參高中冝之言所不可道
孤臣不孝萬死餘責死罪死罪然臣之負譴實陷無辜
更議不明以授魑魅自泣血去國寄命南荒歷年被病
再以再以以二字誤生死炎山漲海氣瘴窮天戴白之老俗無

聞者孤臣疲瘁豈望頃更分謂委骨窮溟餌身魚鱉狼
荒之鬼永悲長逝不意慶雲垂澤天渙宥流拂拭霧露
生見白日踴躍昭泰情何以勝死罪死罪而餘殃未泯
志固存臻亡兄濟江合家淪溺嫂姪俱逝一不生存尋
途未中臣妻又殞重疊亡歿契闊山川至上之日生意
盡矣誓將守死陵墓沒齒家園不圖恩幸曲成寵章仍
及題輿別駕職是恩州再造生涯天實為德死罪死罪
臣自歸日淺塋廟未修荆棘荒然祭祀無主今即便祇
皇命遠職邊夷歲月方賒拜掃何日瞻言出涕感貺崩
摧伏惟陛下仁養羣生孝理天 萬物咸遂各得其宜
注獨向隅有以長戚伏願天慈愷悌憐憫孤窮寬以簡

書之刑賜其告歸之請使得得駿奔西土長號北陵獲申
存沒之悲生謂園塋之樹猶賴松聞謝不睦之辜由祖
山門祈自新之路刻誓肌骨奉以周旋然後退死蠻夷
沉骸糞土甘心朽滅庶無遺恨儻昊天鑒照孤誠可哀
則臣之鯁生志畢今日不勝崩迫之至

為程處弼請流表

糞土臣某言臣以殃疊姪世出逆臣合宗族誅戮以顯
國刑不謂天慈哀矜宥從寬典全臣骸骨生甯避荒窮
魂再造以崩以躍中謝臣聞忠臣事君如子事父窮痛
之至則呼所親何者君父恩深臣子懇切况臣蒙陛下
恩遇如子於母今為子不孝為臣不忠長辭闕庭永沒

荒裔悲窮痛恨荼毒離依即使朽骨埋魂長滅泉壤悲
誠莫展幽翳明恩寔恐隱匿於若不盡臣節明臣臣誅
誅殛瞑目貽殃敢陳列肝心罄竭誠懇殘喘冒死期以
少謝伏惟聖母神皇陛下哀憐垂察中謝臣聞犬馬賤
畜尚知主恩草木無心猶感德化臣雖駑僇不足比人
負榮懷恩能無感激臣山東孤賤朝無親故性識愚鈍
壯無可堪非能矯跡立方飾行執物假借名譽為時次
噓遂得宿衛階墀忝迹卽將勤勞莫紀尸素已多任經
十有三年竟無一階升錄臣之駕劣於此可見而貪冒
榮寵尚不知歸陛下應天受圖恢慕大業又不以臣駕
鈍特見褒異擢任中郎委以心膺在職未幾卽檢校將

軍終逾一年又加正授未盈三歲貴顯朝端寵渥隆崇
莫與臣比每刻肌骨晝夜思惟臣以何功謬私天造超
羣越輩顯赫明朝應由天性專愚守一守直行不負物
心不愧神盡忠事君竭力養母所以聖慈幽鑒曲照懇
誠寵任無疑委同親近不然愚臣何以叨此殊恩臣凶
險罪深母不終養爰初遘疾以至終亡天慈再三降鑿
賜藥酒脯珍膳繼踵臣門優問殷勤若同親戚臣之母
子何德於天子貴母榮恩禮重疊臣誠不孝至頑至翫
蒙此恩榮豈無感戴臣愚性為善不願人知非敢自矜
用為僥倖皇天后土實見赤心臣往任卽將之日陛下
特以臣貧賜銀及綵臣以天恩非分矜憇賜臣懷戴之

心祈懇冥報遂用於天宮寺寫書造像半為聖人半為
先親臣以君親之恩所宜並報報是當理不合合人
知自尔造成一無知者臣今日獲罪不合上言寔以事
君之心所宜罄盡善惡有隱恐負赤誠恐臣長沒黃泉
無見聖日區區之意安可不陳臣每以陛下恩深微臣
命淺嘗願湮宗滅族獲報萬分何圖誠効未申凶孽先
集逆天反道背德辜恩汚辱門宗虧缺臣節此臣所以
推心泣血仰天號咷長負陛下之恩終無上報之日煩
寃荼毒心肝以糜比者待罪幽囚以殞身碎首為奉陛
下賜書示喻照察臣心所以捧戴偷生假息殘喘今既
蒙寬法兄弟獲全投竄遐荒甘禦魑魅臣之慶賴復何

可言所恨亡母弃背即遭此禍几延塗炭孤魂煢煢存
者流離亡者哀痛辛酸幽顯為世惟代所悲應由臣
不孝不忠延此禍酷何以面目將見先臣何以心願拜
辭天關生死無措永訣於今即以其月日部勒妻子奔
波就道即應死滅結草幽泉伏願聖母神皇陛下至尊
寶神為萬姓加贖天下禔福以祐蒼生壽若南山永永
無極

為宗舍八謝贈物表 三首

草土臣其頓首稽顙臣言今日日中使其至奉宣勅旨
以臣母喪贈物若干以結凶事孤臣鞠凶禮辱天贈稽
顙拜命禱絕迷圖中謝孤臣不天早失父蔭兄弟孤藐

並未成人亡母哀惻鞠育見保不墜于地以及於茲榮
榮私門幽顯為慶榮忝之望非有始圖陛下親親敦心
末屬憫臣孤賤惠降恩休孤門載昌寔始天造母子之
賴以喜以惶兢兢孤臣未知收答陛下又恢大運崇號
寵章時復私臣弟兄超登顯位母子光寵榮養以全豐
臣單微官能及此早逝先沒以為親榮而天不禍臣延
集老母號懇無及荼毒煩冤陛下降哀又見憫悼惠賜
禮物過超典章生榮死哀重疊若此孤臣殘喘胡顏冒
德而臣之迷塞荒謬禮經先遠之期又勞睦問有無之
禮憂若家人天實為之臣復何及即此殞絕期以謝恩
號冰崩鯁伏表迷塞不勝荒迫

第二表

草土臣某云云言今日伏奉恩勅以臣亡母初七特
降上宮若干人給使黃門若干并賜物若干段以給護
齋事天恩過禮伏念號惶孤臣殃疊尚未殞滅荼毒如
昨奄將一旬崩號無及肝心糜合陛下慈惻哀念孤窮
復憂齋祭恐有關禮既賜束帛支降上宮恩慈再三若
猶未足自國之寵貴未聞此榮草茅孤臣何以堪處不
日銷滅永負聖恩號泣旻天以崩以懇不勝荒迫之至

第三表

草土臣頓首稽顙言伏奉某月日恩勅以臣亡母遣祔
特降勅給人夫及車牛服用物若干以護送靈柩至京

祇奉恩私頓首崩殞臣未亡滅假息苦廬日月永往奔
及先遠荒迷在疚不知禮儀陛下哀矜憫其不逮恐有
顛沛憂及亡靈備物象設並自天賜祖載塋送又志官
供威儀在途魂魄光寵行路延佇而以為榮孤臣窮凶
何圖至此天德彌厚殘喘待終泣血扶靈方域歸路號
感恩造窮絕迷圖不勝號噓戀恩殞絕

為將軍經處弼謝放流表

臣其言臣無教訓家有逆子臣合汚宗滅族以顯國刑
天慈哀矜放從流竄臣為慶賴已是非圖今月遂蒙天
恩以臣所坐流刑特從放釋窮骸枯骨一朝再生踴躍
章惶再崩再殞中謝臣山東孤子朝無親故性識愚魯

非有才能陛下超羣越輩崇以榮寵昔任郎將十有三
年遂無消塵一階昇錄自陛下踐極謬荷恩私冒寵叨
榮超絕時輩從即將檢校將軍終逾一年即加正授皆
從宸眷非有因人寵渥隆崇莫與臣比臣之孤賤榮顯
知慙臣又凶殃積罪甘投魑魅孤負陛下之恩永為避
荒之鬼肝腦塗地無以微酬豈謂天造曲矜恩及枯骨
枚骸溝壑返魄幽泉使魑魅窮魂重生聖日糞土殘命
不滅荒陬荷德戴恩萬死無報不勝感荷再生之慶

為人陳情表

臣門衰祚薄少遭險疊行年三歲嚴父早亡慈母鞠育
衰憊相養臣又厄羸少多疾病零丁孤苦僅得成人老

母憫臣孤家恐不負荷教誨師氏訓以義方家貧無資
紡績以給束脩衣褐並出母指臣既無姊妹寡有兄弟
衡門獨立唯形與影母子相視惻惻靡依罹此艱虞應
二十歲臣稍以成立忝迹朝班薄祿微資始期色養私
情既獲母子相歡殃罰不圖老母見背攀號何及泣血
漣洏于時日月非宜權殯京兆歲序遷速於今某年白
本貫河東墳隧無改先人在壟桑梓猶存亡母客居未
歸舊土宿草成列拱樹荒涼興言感傷增以崩咽今卜
居宅地將入舊壙明年吉辰窆是良便除此之際未有
克期臣謬齒王人職在驅役今歲奉使已至居延單行
窮庭絕漠千里臣雖萬死無答鴻恩恐先朝露有負眷
殞歿甘心無憾

為副大摠管蘇將軍謝罪表

臣其言伏奉某月日子前赦書赦臣萬死終削見任官
秩還復本將軍名始慶再生即榮寵命宛轉踴躍感戴
慙惶中謝臣聞鑿門受律本合忘生對敵臨戎殉節唯
死此乃國家恒典軍政嚴科臣妄以庸才謬叨重任不
能深圖遠筭醜權凶以宣廟略之威永息安人之患
屬前軍挫衄士卒奔亡臣後縫驅馳戰鬪交合川谷地

險容主勢殊少馬相懸左右受敵決命爭死力盡塗窮
遂以殺戮之師劔於犬羊之衆誠宜刎首謝國殺身報
恩陛下洪湯禹之仁務寬大之典愚臣同孟明之侶遂
免嚴誅白骨再榮丹慊未泯誓將枕戈嘗膽殄逆梟凶
躬為士卒之先以雪傷魂之墳肝腦塗地少答鴻私不
勝荷戴再生榮幸之至

謝免罪表

臣某言月日司刑少卿郭某奉宣勅二日以臣所犯特
從放免伏對恩命魂魄飛揚中謝臣巴蜀微賤名教未
聞陛下降非常之恩加不次之命後臣草野謬齒衣冠
臣私門祖宗幽顯榮慶豈心微臣一身而已臣宜肅恭

名節上答聖恩不圖誤識凶人坐緣逆黨論臣罪累死
有餘辜肝腦塗地不足塞責陛下私慈育之典寬丹宥
之刑矜臣草萊憫臣愚昧特恕萬死賜以再生身首獲
全已是非分官朕具在臣何敢安臣若貪冒寵私覲顏
恩造復塵舊職以玷清猷螻蟻微心實慙面目臣伏見
西有未賓之虜北有逆命之戎尚稽天誅未息邊戍臣
請束身塞上奮命賊庭効一卒之力答再生之施庶陛
下威命綏服荒夷愚臣罪戾時補萬一若臣獲死鋒鏑
為厲犬羊占人結草寔是臣懇願不勝大造再生荷戴之
至

為豐國夫人慶皇太子誕表

臣妻某言今日日伏承軒宮載誕皇嗣克昌品物咸歡
天人交慶臣妾聞聖人多子祝羨於堯年螽羽宜孫稱
道乎周頌自非璿圖配永寶祚靈長何以茂對天休光
紹大業伏惟皇太后陛下星虹授祉月夢延禎餘慶集
於天孫榮光流於帝子玉衣方恭瑤渚增輝其竊寵中
姁承恩外感塗山之慶既裕於夏臺高禩之詞未陪於
殷薦竊以黃河之品可享王庭玄紐之微有芳天獻豈
圖義於豐侈信有厚於由衷敢用擬議蘋蘩精誠菽藿
洗心而薦竊希瑤席之珍潔意而羞厓以陪金鼎之實謹
獻食若干輿冒黷瓊膳沾汙象筵追用慙惶伏表悚灼
為喬補闕慶武成殿表

臣某言臣以今日日奉勅於武成殿與臣入門骨篤禱
等賊請降事臣以愚瞽得踐赤墀對揚天休具奉其狀
天恩特賜臣溫顏又降問云洛陽宮室皆隋朝營制歲
月久遠多有蕪頽樓閣內殿凋落者衆補一壞百無可
施功唯此武成確然端立土木丹雘光色如新不知何
故得自如此卿之博識應知其說臣當時造次畧奏其
梗槩退而再省未涉萬分臣恭惟聖言緬求神象所幾
太極幽贊元符上以稽驗神謀夢以合契冥數信有至
道先在於慈臣聞聖人有言曰清明在躬志氣如神嗜
欲將至有開必先降時雨山川出雲此蓋言神應必
有其物陛下至尊至神為天下主宰御羣品威統百靈

宸居尊嚴品物昭泰自天而祐於是用寧抑臣又聞物
之有靈如人之有神之和暢則支體便利用人繁昌
則物必豐茂所以見其俗知興廢之數覩其氣識盛衰
之由服物猶然况其大者今陛下應天受命括地登樞
先飛名於祕籙終擬圖於寶座今則當千載之運得三
統之元帝氣氤氳祚基於元命皇圖幽藹象顯於天成
夫以德之休明尚榮草木化之昭慶且變烟雲况皇皇
真君龍居其極武成合慶土木增榮獨超衆殿夫何足
恠臣聞敬其事者必載其文美其業者必頌其德臣所
恨才非墨妙思乏筆精不能贊揚休祚歌詠聖德臣請
以此事付之史臣千代知神萬載知述伏願天恩特垂

降許

為程處弼慶拜洛表

臣某言臣糞土殘魂合竄荒齋特蒙陛下施再生之德
赦萬死之誅起骨九泉同列編戶臣誠萬死無以上答
况恩全賤命生在帝鄉伏見陛下至德配天化及草木
天不愛寶洛出瑞圖地不藏珍河開祕籙陛下恭承天
命因順子來建立明堂式尊顯號成之匪日功若有成
萬國咸歡百靈同慶元正肇祚品物惟新陛下郊祭旻
天總受羣瑞神靈慶戴萬福攸宜斯寔曠古莫聞於今
始見豕飛蠕動莫不歡心臣以糞土窮骸不合輒同朝
賀以古來大禮莫盛於今昔登封泰山七十四主明堂

布政無三教君誠以陛下道冠古今恩溢天地昆蟲草木猶或相歡况臣久蒙驅策今日又拔死為生溝壑殘骸而得再造遂得恭聞大禮側聽鴻名臣伏惟宇宙之中含氣之類蒙恩負德獨臣最甚向非陛下慈造曲被鴻私臣已灰滅遐荒肝塗邊壤豈得尚存骸骨恭聞聖慶臣所以匍匐冒死不避誅戮冀申螻蟻之情以同鶯雀之慶然臣自惟罪累不可比人在於禮經尤宜自絕所以屏營冀幸不敢先聞今既萬國禮終百神慶畢昆蟲鳥獸亦並歡寧故臣螻蟻之誠始敢昧死上賀臣伏知冒禮違法罪合誅夷臣生見明時預聞嘉慶臣今即殞滅寔萬死為榮不勝歡踴戴賀之誠

為人請子弟出家表

臣某言臣以險疊私門不造亡父故某官先臣某早先朝露永謝休明日月不居星紀云暮伏以先臣策名委質冠帶早年始自解巾即陪軒禁終于結纒累忝榮私三應名卿職參於河海八居州牧任叨於股肱而報効莫聞零落先及啟足之日露首之慚是以臣克奉詔言志期冥報請以當家子弟三兩人奉為高宗大帝出家歸道而孤孌在疚遺屬未申奉以哀號寔貫心髓今者大帝登仙之忌以及茲辰先臣懇誠未效他日所以乞遂冥願敢覬天恩庶善提之日發禪于正覺涅槃之證幽贊於宸階先臣夙心無恨泉壤伏願上天降鑒微誠

可哀曰錄獲展存後交慶不勝崩迫云云

為陳御史上奉和秋景觀競渡詩表

臣某言伏見某月日御製秋景務餘聊觀競渡故陳先
作式佇來篇凡六韻天文爰降品彙咸亨金簡潛開瑞
圖斯見臣聞白雲興詠漢遊汾水之祠黃竹申歌同舞
瑤池之駕然而志崇遠轍事或勞人故文思之化未光
太清之道被闕伏惟聖母神皇陛下大虹齊聖感月含
神玄德茂於皇階文明照於天下用能提玉斗挹壻衡
百神景從三靈協贊青雲出洛爰開受命之符赤甲榮
河終御興王之寶非窮神之至德者其孰能與於是哉
既而黃屋務閑紫機時暇洞庭張樂思援軫於軒遊媯

水披圖想同懸於堯輦然遠而勞物者未若近而安人
動而勤已者豈比靜而泰神於是徙金蹕鳴玉齋清禁
林御池殿肅波神而成事命舟子為水嬉彩鷁蓮歌乍
起江吳之引青龍檝柱時搖甌越之風鳥逝虬駕沸珠
潭而競逐雲飛電集橫玉浦而流光信可以娛樂性靈
發揮文物皇歡允洽白日俄光於是奏薰風於管絃詠
叢雲於林蕪帝歌爰作天藻攸彰黼帳帷宮縉文房之
綉綵祥雲瑞景霏翰苑之榮光信探道於玄包得斯文
於紫極太平允矣元首康哉方欲朝明堂之宮受群后
之瑞尊崇顯號光啟聖圖封王嵩丘以接千年之統泥
金少寧攸增萬歲之規卓哉煌煌聖君之表也微臣曲

學蓬戶竊位蘭臺未聞駭馬之謠非有雕龍之思鞠躬
霜暑謬觀于天章遊聽鈞臺側聞於帝樂天文尊貴不
遠於下臣帝寶珍崇曲宣於近貴竊以君唱臣和固不
隔於尊卑宮變高後方允諧於金石輒用齊心扣寂假
翰求詞將以攀日月之末光繼螢燭之微照不勝云云
為朝官及岳牧賀慈竹再生表

臣等言臣聞天視自我人視天聽自我人聽故堯臣放
命降震怒之災姬聖尊仁受昭事之福先王乃以恭畏
上下祇奉天人於是昭德塞違懲惡勸善所以明枉
直正典刑一昨伏奉恩勅宣示司農卿宗晉卿所奏日
者王德壽等承使失旨靈監無辜灾感蝗蟲毒痛慈竹

寧歲為之饑饉吐糜以之流離冤魄冥申玄感上測乃
降明制發德音恤淫刑蠲虛典于是幽魂雪憤遺噍昭
蘇枯竹由其再生蝗蟲為之齧青梓變動色瘡痛收氣
當天札之凶年致昇平之稔歲非夫聖靈昭感天人合
符何吉凶之徵報同影響天下幸甚臣等聞聖人法天
所以順物小人違道則必亂常故虞稱欽明嚴四凶之
罪魯有仁義正兩觀之誅所以邦家用昌苛慝不作王
某等色厲內荏心僻行堅弄措刑之文為高夷之法以
訟受服同惡自尤意招亟竄之辜允肅政刑之序今者
蒼鷹歛翼乳虎含牙朝廷無腹誹之憂天下有刑措之
頌信可以懲殘創酷講善旌寬永清侮弄之階共登仁

壽之域臣等謬贊臺閣忝守藩維寔思仰奉大猷以穆
中典幸屬至聖崇德小人勿用凡在庶品實百恒歡雖
成康頌聲文景默化刑清政肅曾何足云伏乞書之國
經頒示天下使四方風動萬國歸仁垂範後昆以為悃
下疑有悃誠無任慶抃之至

為赤縣父老勸封禪表

臣聞帝功既又必昭告於上玄元命攸尊必外封於厚
載故七十四主能恢萬代之規三五六經以為百王之
典伏惟陛下應天受命握紀登樞包括乾坤之靈享壽
神明之化故能開天寶闡地球溘洛所以外圖榮河由
其薦錄群神既贊衆瑞交馳謳歌於是大歸禮樂以之

咸備陛下以順天意允登神休垂顯號以居宸建明堂
而治物百寮惟允萬國咸寧然則嵩岳神宗望玉鑿而
求禪天中仙族佇金駕而崇封寔大禮之昌期膺告成
之茂典况神都為八方之極太室居五嶽之尊陛下垂
統紫微大昌黃遠報功崇德允協神心應天順人祗符
靈望皇圖盛業寔在於茲臣等叨願堯封以忘帝力竊
聞聖人封禪天下所以會昌山嶽成功皇壽由其配永
臣等既為陛下赤子陛下又為萬姓慈親實願上報天
功下順人望勒成嵩嶽大顯尊名不勝云云

為永昌父老勸追尊中山王表

臣聞子貴親榮聖人典禮故姬文受名尊太王之名漢

祖登宸加上皇之號而皆事美帝稽業成昌圖臣伏見
中山大王道合先天功成佐命首高祖神堯皇帝義旗
爰建大號初興首贊皇基定策京邑用能神駭電掃應
天順人龍躍紫微光宅區夏實賴大王之德翼成高祖
之勲開國成家猶未奉答况陛下應天受命協運披圖
正顯位於明堂昭大明于天下功宗五帝業盛三皇可
謂實極洪名尊宗光大令者追尊之義猶闕於顯陵榮
親之典未聞於帝號臣聞商周革命封祀宗之君春秋
正名義虞晉之祀夫以興王繼絕尚不闕於禮經况乎
大孝尊親豈可虧於祀典臣等喟和白屋沐慶玄門幸
為可封之人功遇永昌之運伏見陛下則天法地崇孝

為百官謝追尊魏國大王表

臨人方且示天下以事親正皇猷以建禮蒼生之慶寔
賴惟新不任區區伏請上中山大王尊號遠以光祖宗
之德下以順黎元之望

臣等昨陳懇請上魏國大王尊號天慈恩孝降順羣
情宇宙咸歡品物知春云云臣聞一人有慶萬國歡心
况乎道洽奉先義光尊號伏惟聖母神皇陛下鑪宮受
命寶極披圖以大孝而居尊勤至仁而育物用能光於
四海化及萬方緬惟尊祖之儀寔義前王之典宸心載
穆盛百辟之誠求帝冊終開見千年之盛禮蒼生以之
從福皇極由其永昌凡在含靈孰不歡慶

為建安王獻食表

臣謬籍葭莩叨榮主社元戎出塞違鳳宸而逾年班師
入朝拜鸞闈而有日而策勛飲至頻承湛露之恩獻壽
奉觴未申行潦之薦所以白茅微籍願享於鈞臺黃污
菲誠思奉於瑤水謹輒獻食一百舉伏知金鷄瑞鼎盈
上帝之瓊羞玉女行廚盡羣仙之品味以茲菲薄有陋
蘋蘩多慙在藻之歡竊有獻芹之志所願皇慈俯納丹
慊獲申天子萬年永慶南山之壽微臣百拜長承北極
之恩無任誠懇之至

陳伯玉文集卷第三終



書